

小說名畫大觀

念月



警世小說

十四種



再來人

枕亞

名山古剎。每多異僧。惜其身世。半屬渺茫。真能空者。捐除塵念。謝絕世緣。萬不願以己身來歷。噫噫示人。故雖有異人。無從而窮其異。數十百年後。人僅知某寺有某僧。共欽高躅。而仰禪宗。其他別無表見。致足憾也。夫僧侶之為世詬病也久矣。而余獨言之。嗚呼。今日中國社會之不良。人心之淪喪。可以藥之者。惟此空字耳。苟人人能空。則金錢之勢力失。而道德尚矣。道德尚。而事業隆矣。雖然。空豈易言哉。僧侶之所以為世詬病者。即坐空而未空之病。入此門者。人品至不齊。有官者。有盜者。有被逐者。有無依者。有因困難之粹集。而遁入者。有因情慾之失望。而出此者。一言以蔽之。曰窮途無賴耳。末路可憐耳。迫而為此。非真空也。故多不守戒律。橫決所至。奸淫邪盜。無所不為。而空門遂為萬惡之門。然返觀諸世人所為。亦與僧等耳。何獨責僧為哉。僧之真能空者。千百中不能得一二。非其人。有黃金白璧。可以獨享。有高堂大廈。可以安居。有嬌妻美妾。可以終老。一旦徹悟。決然捨去。絕不返顧。不足以語此也。苟有其人。非不足為惡社會下一鍼砭。為諸偉人加一棒喝乎。迷再生和尚事。

西湖山水。甲於神州。靈隱一寺。尤多高僧遺跡。濟顛其尤著者也。濟顛而外。有所謂



胡康

再生和尚者。於三十年前雲遊至此。駐錫未久。又碌碌無所短長。故名未著於六橋三竺間。與再生同時。有數僧知其事。未幾而死者死。去者去。舊侶星散盡。後之來者。無從問訊。梵貝聲中。滄桑影裏。而再生和尚之名。遂隨此滔滔湖水。以俱沉矣。余父中年好為汗漫遊。結香火緣。所交多方外友。崇林寶剎。到處歡迎。日就僧厨。夜眠禪榻。或信宿而去。或得意忘歸。南北東西。儼同行脚。無事聚糧三月也。生平酷愛西湖。謂為人間絕境。歲輒一往。作十日留。靈隱有僧名超象者。舊識也。某年之春。相遇於湖濱。因邀入寺。下榻焉。超象為介紹。見一僧老矣。貌奇而古。鬚白如銀。蓬蓬若結雲氣。見客不甚為禮。與言禪理。頗奧妙。問其名。曰再生。問命名何義。則笑不答。再問之。瞑矣。超象謂余父曰。此僧大類苦行頭陀。來此三月。終日枯坐。手弄百八真珠一罈外。無他求。無煩人擊飯後鐘也。余父曰。風塵中多異人。此僧來歷。雖未分明。以余度之。必為龍象。湖光山色。冷落久矣。或將得此人。而添一段西湖佳話歟。次年。余父復續舊遊。入寺訪老僧。跌坐處。則蒲團無恙。竹榻已虛。欲再叩真如。而孤木寒雲。無言相對。更詢超象。則雲遊未歸。悵然遂出。徜徉三日。復鼓櫂渡江。縱覽金焦諸名勝。偶遊金山寺。超象在焉。問何時至此。以昨日對。余父曰。余適從靈隱來。十叩松關。白雲謝客。以為緣慳。不意乃遇子於此。彼再生又安往耶。超象曰。吾來正為渠也。渠之歷史。余已盡知。初祝髮於常州天寧寺。而金山而靈隱。今復不知何往。此

處不見。或歸天寧。天寧不得。當再往他處覓之。余或不復返靈隱矣。問訪彼何為。超象曰。此高僧也。吾殊不能捨彼。今且語君以再生之歷史。以下皆超象語。

再生雷姓。夏名豫。產也。富甲一郡。其父震。疎財仗義。扶弱鋤強。以任俠名於時。母陳氏。慈善家也。能相其夫。廣周貧乏。時人稱彼夫婦。男現金剛面目。女具菩薩心腸。皆佛弟子。而衆父母也。年四十餘。猶抱伯道之戚。禱於某寺彌勒像。生夏。種善因而得善果。天道寧有訛歟。

夏生五歲。父忽櫻劇疾。將死。囑其妻曰。余乃不及見此子成人。有楹書在。卿善教之。第勿求仕進。以蹈不測。若能奉母隱居。斯為最善。不出十年。世將大變。一入宦途。則若教之鬼餒矣。父死。母如其命。延明師課夏讀。夏慧甚。八歲畢五經。未幾母死。彌留時。重申亡父遺命。夏涕泣受教。又三年。學大進。拈筆作文。汪洋恣肆。老宿不逮也。師固中科名。毒者。慙。魚其應試。夏亦自負。頓忘父訓。一戰而霸童軍。烟霄得路。穩著祖鞭。南宮再捷。出宰溧陽。青燈黃卷之餘。吐氣揚眉之際。一官飽繫。且與浮沉。開太阿匣。割武城雞。眼底浮雲。自覺富貴黏身。末由擺脫矣。

宦興初濃。驚魂旋斷。蒞任甫五月。適太平軍起。方叫囂乎東西。頻傳風鶴之聲。慕憶尊鱸之味。微官可戀。先業難拋。倘不捨此雞肋者。舊田園鞠為茂草矣。乃決棄官遁。使夏而功名念熱者。則時勢造英雄。投筆從戎。橫經却敵。龐士元非百里才。區區未

陽本非英雄用武地也。顧夏初無是想。擊鼓一聲。早驚破黃梁之夢。身家難保。違問功名。自笑曰。苟全性命於亂世。不求聞達於諸侯。吾其為半截武鄉乎。時兵禍正急。將由陝趨洛。夏知故鄉非樂土。賤價盡售其產。挾巨資南下。纔從宦海收帆。又向長途縱轡。出門四望。帶甲滿天。倉皇出走。日暮何之。此蓋為趾高氣揚之少年令尹。身世領畧困苦第一破題也。

匹夫無罪。懷璧其罪。況值干戈擾攘。荆棘塞途。正所謂路上行人欲斷魂時也。亡人無以為寶。猶有朝不保暮之虞。夏雖孑然一身。無妻若孥。牽裾挽袂。而此纍纍身外物。乃累墜煞人。腰纏十萬。匹馬關山。是何異行於死樞之中。烏有不為象齒之自焚者。然卒無恙。以抵吳中。幸矣。夏之來吳。依其戚也。戚包姓。時方為某縣令。夏至。歡迎甚。館之外舍。虎口餘生。忽逢賢主。夏固深自慶。幸包更曲盡殷勤。此時吳地已平。依舊江南春好。大佳山水。小劫滄桑。一角吳天。直是桃源仙境。樂土樂土。爰得我所。顛沛之餘。客情快慰。固不僅曰。故鄉無此好湖山也。

包。小人也。工於夤緣。而嗜財若命。好客無心。夏雖與有戚誼。已疎遠。不相聯屬。平日不通聞問。今事急來投。乃深蒙其覆庇。待先生如此。其忠且敬者。金錢吸引之力耳。夏既德包。亦欲稍圖報効。以五百金為包壽。包力却之。謂爾我姻戚。誼良不薄。何需此阿堵物。為雙方結合之用耶。再言此者。願無相見矣。侃侃數言。激昂慷慨。夏益感

涕且謝過曰。吾以小人之心。度君子之腹矣。雖然。施而不報。事胡可久。行將別君而他往耳。包曰。匪地烽烟。行將安適。我意君且住為佳也。嗚呼。使夏於此時。果能與包脫離者。寧非大幸。顧夏尚不知包為何人。方倚之為護符。而包既得夏。烏自入籠。何為縱之使去。於是夏之一身。乃盡在包勢力範圍之下矣。其不受五百金也。意若曰。彼此來已。將身家性命盡付吾一人之手。囊中物皆凡上肉耳。區區一嚮。何足以饜乃公饒吻耶。

夷齊其口。盜跖其心。包所計者。欲借端傾陷。死夏而盡攫其資。且知夏家散人亡。孤植危根於客土。正如一葉浮萍。吹散便無痕跡。即含冤作異鄉之鬼。亦決無好事之人。激起而為昭雪者。此沉沉之行囊。為夏進身之媒。即為夏殺身之具。幕燕釜魚。死機早伏。而夏固懵然罔覺也。會民家有被劫者。盜殺僕婦二人。傷一人。遺刀於地。席卷所有而去。次日報驗。包見所遺之刀。柄刊有四字。曰雷氏家傳。忽心動。問傷者以劫時情狀。傷者言盜共十餘人。執刀者二。一殺人。一為之助。餘皆手持木棍。搜括財物。後乃呼嘯俱去。包亟下令捕盜。獲其一。鞠之。即殺人者。而助者不得。下盜於獄。豐其飲食。陰遣人唆盜。誣指夏為同夥。并許以不死。盜如其教。包乃逮夏。夏大駭。問何事被拘。包語之故。令與盜對質。盜直言汝乃不識我耶。汝為雷某。與我同劫某家。汝忘之乎。夏大譁辨。而盜喙如鉤。堅啄不釋。且究器柄字。鑿鑿更無夏。伸喙地。包勸其

實供當為設法輕減。夏極口呼冤。包大聲曰：雷某此為何地？鐵證如山。汝猶狡賴耶？我不忍見汝敲棘。雖然今日之事，君事也。我不敢廢嚴刑逼之。遂誣服。至此始悟包陷己，則大怒詈包無言。但指揮眾役曳之出。

棘牆高聳，鐵索瑯瑯。夏於是領畧囹圄風味，怨憤之氣，孤寂之況。此中歲月，何止如李後主所云：日夕以眼淚洗面哉。而包於此時，方私慶其計得售，探手於囊，掀髯大笑。一時輿論，且頌包執法如山，奉以大義滅親之美名。包聞之，於意益得。獄上大吏不省盜以正寃，論大辟。夏以從擬絞。同日刑於市。蓋盜亦為包賣矣。時亂後乏刑者，決囚以營兵代。兵未諳絞法，行刑之際，大雨適至，倉卒畢事。夏氣不絕如縷。夜半復蘇，見盜屍在旁，慕憶前事，知己未死，力脫其縛，匍匐前行。約里許，路黑如墨，四無人蹤。惟聞前巷犬聲撲撲，戰慄不敢前。正趨趨間，瞥見一黑影迎面來。夏急隱避道旁。來者似已覺，止不行。撮口作異聲。夏大懼，從昏暗中審視其人，短衣窄袖，背負一巨囊。悟其為夜遊將軍，方唱凱旋歸也。自顧身衣囚服，襤褸之狀，適與相類。乃亦撮口作聲以應之。其人即招與同行，問從何來，得利也未。夏偽曰：我運大惡，連夕鑽營，乃一無所獲，不如子也。子且何名乎？其人曰：我鄧七也。夏曰：聞名久矣。且談且行。抵一茅舍，相將俱入。蓋鄧家也。鄧留夏宿。夏固無所之，即亦不辭。因相與藉藁臥。以至卑賤之偷兒，萍水相逢，尚知愛客。而彼儼然為民上者，一念貪饕，將親誼天良，胥置不

問人情變幻良可喟矣。

明日失紱犯屍。兵懼獲譴，不敢聲。以埋復命。夏匿身圭竇，惴惴焉恐邏者之至。繼知無事，則轉念此讎必報。知鄧七前次行竊被擒，捉將官裏去。幾斃杖下，亦恨包刺骨。因利用之，欲與鄧同窺縣署。鄧果諾之。夏更向鄧假一匕首，頗銳利，藏於懷。魚更三躍，兩人從署後穴壁入。鄧注意黃白，已入他室搜檢。夏徘徊於庭堦之下，忽見上房燈火熒熒，似有人語。躡足就窗隙窺之，則包方與其妾同遊芙蓉城，喃喃情語，興猶未闌。夏初意欲於睡夢中刺之，庶易為力。今見其未睡，不覺嗒然。逡巡間，忽得一計，即散其髮，赤其足，出匕首，擎於掌，悲嘯一聲，飄忽而入。包驚起，大呼鬼鬼。夏已至前，舉匕首直貫其胃，轟然倒矣。其妾欲逃，又殺之。急棄刀遁，纔出穴，署中人已聞聲，麇集。知鄧必無幸，歎曰：吾乃亦賣是兒耶。雖然，急迫之際，寧復能相顧者。室息前奔，天明已出縣境。從此去為黃鶴。鄧七消息亦不復聞，想斷頭臺下又添一個冤鬼矣。

夏雖出險，而囊金不返，襤被無存，紙樣人情。況值亂離時代，更無哀王孫而進食，憐范叔而贈袍者。托鉢生涯，固所難免。夏以大憾已殲，餘生奚惜。雖歷盡苦辛，始終忍受。從不灑一滴窮途之淚。到處為家，隨緣度日。由吳而浙，而楚而秦，足迹遍大江南。北風餐霜宿，輾轉泥塗。至此而少年銳氣，折磨已盡。悟道之基在是矣。

旋復崎嶇入蜀，至成都市，變姓名曰夏雨田。蓋以名作姓，即兩分其姓為名。見賈卜

論字者日獲數百青蚨。足餬一人之口。念此余亦能為。不較勝於飯籃迎月。歌板臨風耶。探囊得餘錢。購粗劣之文具。寄人簷下。關領土馬。夏書法道勁。暇作一二長聯。筆飛墨舞。入市求售。見者嘖嘖歎賞。以其取潤至廉。爭相購致。以是硯田收入。頗不惡。夏之境遇。乃驟進一步。漸有苦盡甘來之望矣。顧夏自飛東市之魂。微悟南華之旨。此日所求。不過鷓鴣一枝之棲。鼯鼠滿腹之水。但得賣文鬻字。了此殘生。不至瘦死他鄉。於心已足。他復何望哉。磨蝎宮中。初起沉沉黑幕。飢寒驅人。其去也無可挽留。富貴逼人。其來也亦無從規避。得馬失馬。禍福無常。夏其為塞翁矣。一日有富商某。過市見夏書。奇之。曰此名人筆墨。非江湖下技也。就與語。大悅。更詰身世。夏約畧語之。商為扼腕。謂之曰。余正欲覓一善書者。使掌簿記。兼司出納。君能從我歸休。當以一席之地相假也。夏固隨波逐流。一身無主。聞言大喜。收拾偕行。吳市吹簫之侶。一躍而為豪門彈鋏之流矣。

夏素工心計。既入商家。從事持籌握算。較輻量銖。商倚為左右臂。且夏誠樸忠謹。儉約無所欲。涓滴歸公。從未一染指。如是數年。鮮有過失。商嘉其勤慎。分以餘財。使營什一。蜀產固饒。貨殖之益。無不利市三倍。夏以所得者權之。三年而獲萬金。夏知佳運已來。欲魔復熾。即以蜀為根據地。分途出發。南通滇粵。北達雍涼。旁及京師齊魯。皆貨販往還。無投不利。數十年中。積金百餘萬。娶妻納妾。生子三長。承父業。次登仕



梓青

版幼則侍父家居讀書。時豫境久平。而夏年亦老。劫餘身世。霜鬢蕭蕭。夢裏家鄉。雲山疊疊。倦矣。浩然有歸志。捫擋數日。挈眷而東。至則舊時門巷。半沒蒿萊。人面已非。鄉音未改。語其家人曰。我不意尚能生入此門也。此間樂不思蜀矣。飄蕩半生。崎嶇萬里。吾廬可愛。而今纔息仔肩。往事思量。真個不堪回首。人事不常。亙古如此。雞蟲得失。何可恃也。不可恃。斯不足戀矣。况夏復出一生於九死之中。拾黃金於乞兒之手。其遭遇之離奇變幻。尤為得未曾有。至此而猶不悟。魔劫重重。一落萬丈矣。丁年作客。皓首而歸。兵燹之餘。蕭條滿目。昔日親朋。多成鬼物。幾家第宅。不住王侯。夕陽如血。尚明劫後之灰。野草空花。難認堂前之燕。低徊憑弔。揮淚神傷。夏以是痛定思痛。燕居深念。兀自寡歡。蓋春婆之夢已醒。慾海之波盡息。此時之志。固不復在温飽矣。

一日。夏謂幼子曰。我自逃刑離吳。迄今五十寒暑。偷生已匪伊朝夕矣。不知吳中父老。有能談往事者否。我欲一遊吳市。為再來之人。爾可隨行。子諫不聽。遂買舟南下。入吳後。游行於市。城郭如故。人民已非。詢包令被刺事。已無有能道其詳者。偶經司獄監門。指而謂子曰。某年月日。我含冤入此中也。及臨通衢。又指謂子曰。某日某時。我就刑。縛而過此地也。淚為暗下。再至一廣場。指左側曰。此停我囚車。牽身出戮處也。復前十餘步。曰。至矣。指一塊土。可丈餘。白淨不生寸草。泣曰。此我受刑橫屍之地。

也。言訖。嗚咽不復成聲。子勸且慰。并戒勿屬人目。夏猶徘徊自弔。不忍遽去。既歸舟。掩泣良久。忽大笑曰。我悟矣。產散千金。陶朱公居然復聚。人去隔世。丁令威還可重來。我以區區一身。而官而盜。而囚而賊。而乞丐。而傭書。復由傭而商。而巨富。而封翁。生而死。死而生。富而貧。貧而富。前後過渡。輾轉如環。變幻乃至不可思議。凡此者皆魔耳。今羣魔已盡。萬緣皆空。煩惱場中。不容再駐矣。於是願為緇流。命其子返棹。回里曰。爾歸寄語家人。各自愛。我不返矣。又高吟曰。寒雨連江夜入吳。平明送客楚山孤。洛陽親友如相問。一片冰心在玉壺。此詩乃為我詠也。其子苦諫不從。乃涕泣而去。


袈裟一領。長共烟霞。悟徹空花。皈依正果。所謂平生幾許傷心事。不向空門何處消者。夏乃為此言之。實行家矣。夏初名再來。後更再生。其由天寧而金山。由金山而靈隱。意在避其家人之物色。時其次子方遊宦吳中。求其父不得。聞靈隱多名僧。姑往一問訊。至則再生已於先日去。殆已能前知矣。其子大失望。歎息為眾僧述其事如此。人乃知其取名再生者有由也。

超象之言止此。其明日。即與余父別。謂將遍天下覓斯人也。此後余父數遊靈隱。遂不再與超象遇。再生消息。益復沈沈。或已携手碧雲。互證菩提上果矣。

(完)




黃金魔力



凍華
枕亞

戈林隳得羅少時。性活潑。有膂力。而態度溫和。不與人忤。鄰兒鬪之。輒勝。黯然惆悵。不自矜詡。及長。慨然有宣力社會之志。見人之殘疾痛苦。若己致之。醫術不甚精。而勤勤懇懇。盡心力為之。以故受治者無不瘳。體魁梧。長六尺有三寸。處人羣中。輒昂出一首。俯與人語。適與人肩齊。此頡而長之偉大夫。狀乃如一嬰兒。蓋其慈祥仁愛。出於天性使然。非可以矯揉造作者也。

隳得羅業醫二年。治人以數百計。終嫌其澤不能普及。棄為牧師。年三十二。周遊宣道。怡然自得。有終焉之志。後遇美人。悅之前之博其愛於眾人者。今乃專其愛於一人。自知魔障之來。於前途殊不利。而情海潮流。既決不可復壅。頓覺一心有主。萬念皆塵。隳得羅至廣極博之愛量。乃盡為彼姝一人所消納。他人不復得沾其餘潤。隳得羅所眷之美人。髮作淡金色。目眶深陷。雖睛球流轉動人。曾不稍掩其醜。而隳得羅視之。則美甚。百計媚之。惟恐不當。顧牧師之業。獲資無多。隳得羅復任意揮霍。不事積貯。及將議婚。而牀頭金盡。壯士無顏。不欲其心愛之玉人。為己之貧乏所窘辱。戀情所迫。貪念遽萌。乃與美人訣。期以金屋歸貯阿嬌。買棹遠遊。冀得藏金之島。



陳輝

隳得羅此行。同舟者頗眾。舟抵佛爾特斯。紛紛望太納那銅河那姆等處。分途散去。惟隳得羅與同志三五輩。復溯籃汙河而北。六月既晦。渡中流。遂入產金之地。是處土人殊荒蠻。皆血食穴處。隳得羅頗不堪其苦。居無何。病矣。眼球不耀。頰骨若削。好頭顱乃與骷髏爭媚。如是者匝月。隳得羅終無退志。獲金之念益切。日夜鑽掘。不遑寢處。若不知其病者。心目中惟冀有金如土。掬之實。余囊橐携歸。呈於美人。博瓠犀一朶。則一番辛苦。未為不值也。

一日步峯巖間。見石紋斑駁。刮之泥沙可盈桶。承之以襟。覓盆水傾入其中。俄視盆底澱物。則金沙也。喜極轉疑其誤。試以指攪之。但見輝煌耀目。色奪鵝黃。果不謬於。是耳。以倍聰目。以倍明。一念在金沙。一念又在美人。晚視良久。見黃金燦爛之中。恍現美人小影。視已嫣然。兩頰呈雙馥。櫻脣微動。似欲就已親吻者。不覺心醉神往。愛金之念與愛美人之念。交迫於胸。既而環顧四周。皆呈幻影。山巔白雲。林間紫霧。若隱若現。如見美人之珊珊來遲。山泉灑灑。溪水潺潺。淒咽入耳。又如聞美人之嬌啼。婉轉。幻想愈歧。私心益慰。延佇移時。始向崗巒交錯之隙。狂笑徜徉而去。結念癡時。人世間奇苦之境。胥不足以困之。當隳得羅營溝渠。刮泥漬。登而冲。降而掘也。皆若有美人常伴其側焉者。故雖筋盡力疲。不甚覺苦。上帝憐其癡妄。特與以少許之金沙。夠其半生之消受。而隳得羅猶嫌未足。披沙以得之。復守株而待之久。